

Bengalice, nitide tamen atque accurate exaratus, sed satis recens, uti ex libri condicione apparet. Continet praeter textum Gîtagovindae commentarium *Bālabōdhanim*, nescio cuius scriptoris; nam nomen in inscriptionibus finalibus non indicatur; initium libri hoc est: श्रीचैतन्यकृपा-सीधुकणोन्मत्तेन केनचित् । टीका संगृह्यते गीतगोविन्दस्य समासतः ॥ स्वयं बोद्धुमभिप्राय ज्ञयदेव महामते । क्रमेणोपक्रमादेशा ग्रन्थ्यते बालबोधनी ॥ अथ व्याकरणादीनां ग्रन्थब्राह्मण्यभीतितः । विवृतिर्न कृता सा तु ज्ञेया ग्रन्थान्तरे बुधैः ॥ वक्तव्यो बालबोधन्यां प्रकृतिः प्रकृतिवेदिभिः । भावार्थदीपिकाया च भावो भावार्थलोलुपैः ॥

Interpretatio est, ut his distichis docemur, succincta; satis tamen est accurata et plerisque locis satisfacit. Multus est liber in laudandis rhetoricis et lexicographis. Reconditus sensus non tangitur, ut in praefatione professus est quicumque fuerit libri conditor: verum apparet, in alio commentario, *Bhāvārthadīpikā* inscripto, uberius expositum esse sensum carminis anagogicum. Cuius libri vestigia in Anglia nulla deprehendi. Laudat nisi fallor A. hunc commentarium ad I. 26. sub nomine स्वामिटीका.

B. Codex Devanagaricus Chartac. bibl. merc. Indic. ex Gaikavaricis No. 119. foll. 43. 12mo. Tenet praeter Gîtagovindam etiam Çakuntalam, alia. Sine anno, neque correcte, neque distincte exaratus atque haud magni pretii.

C. ibid. ex eisdem libris No. 105. Devanag. Chart. foll. 45. 8vo. Sine anno. Textum Gîtagovindae satis mendose scriptum exhibet, a commentario adiecto saepius discrepantem, cuius rei exempla sat multa in Var. Script. protuli. Commentatoris nomen est Mālānka, cuius exstant alia scripta similia, ut scholia in Mālatīmādhavam. Vide praef. Act. I. ed. Bonnens. Defluxit liber, quo usus sum, ex archetypo Bengalico; vide quae dixi in V. S. ad VII, 9. et inspicere distichon auspicatorium: कवीनां मतिमालोक्य सतां च सुखबुद्धये । कृता दृष्यषिका मुख्या मानाङ्गेन महीभुजा ॥ *Mānānka* enim permutatio quae legitur, eius origo in scriptura Bengalica est quaerenda. Titulus commentarii dubius est, pro *Dripyanikā* praeferrem *Darpanikā* vel aliud nomen. Iusto diffusior est liber, et doctrina magis quam iudicio refertus. Exaratus est negligenter.

D. Ex librr. Colebr. No. 164. bibl. merc. Indic. Devanag. foll. 76.